

本草衍義

四



本草衍義卷第十五

通直郎添差充收買藥材所辨驗藥材冠
編撰

石南

蜀椒

莽草

郁李人

鼠李

藥華

杉

楠材

榧實

樺木皮

白楊

藥荆

紫荆木

釣藤

槁藤子

皂莢

柳華

桐葉

烏臼

訶梨勒

椿木葉

椿莢附

胡椒

橡實

無石子

柵若

黃藥

無患子

椰子

樺木皮

赤堁子

木鼈子

大槿

穠櫚木

柘木

石南葉狀如枇杷葉之小者但背無毛光而不皺正二月間開花冬有二葉爲花苞苞既開中有十五餘花大小如椿花甚細碎每一苞約彈許大成一毬一花六葉

一朶有七八毬淡白綠色葉末微淡赤色花既開葉滿
花但見葉不見花花纔罷去年綠葉盡脫落漸生新葉
治腎衰脚弱最相宜但京洛河北河東山東頗少人已
此故少用湖南北江東西二浙甚多故多用南實今醫
家絕可用

蜀椒須微炒使汗出又須去附紅黃殼去殼之法先微
炒乘熱入竹筒中以梗椿之播取紅如未盡更揀更椿
以盡爲度凡用椒須如此其中子謂之椒目治盜汗尤
功將目微炒搗爲極細末用半錢匕以生猪上脣煎湯
一合調臨睡服無不效蓋椒目能行水又治水蠱

莽草今人呼爲茵草濃煎湯淋洗皮膚麻痺本經一名

春草諸家皆謂爲草今居木部圖經亦然今世所用者
皆木葉也如石楠枝梗乾則縐揉之其嗅如椒爾雅釋
草云蒨春草釋曰今莽草也與本經合今當具言之石
南條中陶隱居注云似茵草凌冬不凋誠木無疑

郁李人其子如御李子至紅熟堪啗微澁其人湯去皮
研極爛入生龍腦點赤目陝西甚多根煎湯溲風蛇牙
鼠李即牛李子也木高七八尺葉如李但狹而不澤子
於條上四邊生熟則紫黑色生則青葉至秋則落子尚
在枝是處皆有故經不言所出處今關陝及湖廣江南
北甚多木皮與子兩用

藥華今長安山中亦有其子即謂之木藥子携至京都



爲數珠未見其入藥

杉其幹端直大抵如松冬不彫但葉闊成枝廬山有萬杉寺即此杉也作屑煮汁浸洗脚氣腫滿今處處有楠材今江南等路造船場皆此木也緣木性堅而善居水久則多中空爲白蟻所穴

榧實大如橄欖殼色紫褐而脆其中子有一重裏黑灰其人黃白色嚼久漸甘美五痔人常如果食之愈過多則滑腸

檫木皮今人呼爲檫柳然葉闊柳非柳謂槐非槐木最大者高五六十尺合二三人抱湖南北甚多然亦下材也不堪爲器用嫩皮取以綴栲栳與箕屑

白楊陝西甚多永耀間居人脩墓多此木也然易生根斫木時碎札入土即下根故易以繁植非止塋墓間於人家舍前後及夾道往往植之土地所宜爾風繞三葉如大雨聲葉梗故如是又謂無風自動則無此事嘗官永耀間熟見之但風微時當風逆者其葉孤絕處則往往獨搖以其蒂細長葉二三枚風雖過故往來卒無已時勢使然也其葉面青背白不身微白故曰白楊非如粉之白

藥荆即前所謂牡荆也不合更立此條况本經元無藥荆已具蔓荆實條中

紫荆木春開紫花甚細碎共作朶生出無常處或生於

木身之上或附根土之下直出花花罷葉出光緊微圓
園圃間多植之

釣藤中空二經不言之長八九尺或一二丈者湖南北
江南江西山中皆有小人有以穴隙間致酒瓮中盜取
酒以氣吸之酒既出涓涓不斷專治小兒驚熱

槿藤子紫黑色微光大一二寸圓禰治五痔有功燒成
黑灰微存性米飲調服人多剔去肉作藥瓢垂腰間
皂莢其子炒春去赤皮人將骨浸軟煮熟以糖漬之可
食甚疎導五臟風熱壅其莢不蚰肥者微炙爲末一兩
入生白礬末半兩膩粉半兩風涎潮塞氣不通水調嚥
一二錢但過咽則須吐涎凡用白礬者分隔下涎也又

暑中濕熱時或久雨合蒼水燒辟溫疫邪濕氣

柳華經曰味苦即是初生有黃蘗者也及其華乾絮方
出又謂之柳絮收之貼灸瘡及爲茵褥絮之下連小黑
子因風而起得水濕處便生如地丁之類多不因種植
於人家庭院中自然生出蓋亦如柳絮兼子而飛陳藏
器之說是然古人以絮爲花陶隱居亦曰花隨風狀如
飛雪誤矣經中有實及子汁諸家不解今人亦不見用

釋氏謂柳爲尼俱律陀水其子極細如人妾
因極小妾果至大是知小黑子得因風而起

桐葉經注不指定是何桐致難執用今具四種桐各有
治療條其狀列于後一種白桐可斲琴者葉三枚開白
花亦不結子藥性論云皮能治五淋沐髮去頭風生髮

桐早春先開淡紅花狀如鼓子花成筒子子或
小油日華子云桐油冷微毒一種梧桐四月開淡黃
小花一如棗花枝頭出絲墮地成油露漬衣履五六月
結桐子今人收炒作果動風氣此是月令清明之日桐
始華者一種岡桐無花不中作琴體重

烏曰葉如小杏葉但微薄而綠色差淡子八九月熟初
青後黑分爲三瓣取子出油然燈及染髮

訶黎勒氣虛人亦宜緩緩煨熟少服此物雖瀉腸而又
泄氣蓋其味苦澁

椿木葉椿樗皆臭但一種有花結子一種無花不實世
以無花不實木身大其幹端直者爲椿椿用木葉其有

花而莢木身小幹多污矮者爲樗樗用根葉莢故曰未
見樗上有莢者惟樗木上有又有樗雞故知古人命名
日不言樗雞而言樗雞者以顯有雞者爲樗無雞者爲
椿其義甚明用椿木葉樗木根葉夾者宜依此推窮洛
陽一女子年四十六七耽飲無度多食魚蟹攝理之方
蔑如也後以飲啖過常蓄毒在臟日夜二三十謁大便
與膿血雜下大腸連肛門痛不堪任醫以止血痢藥不
效又以腸風藥則益甚蓋腸風則有血而無膿凡如此
已半年餘氣血漸弱食漸減肌肉漸瘦稍服熱藥則腹
愈痛血愈下服稍涼藥即泄注氣羸粥愈減服溫平藥
則病不知如此將暮歲醫告窮垂命待盡或有人教



服人參湯病家亦不敢主當謾與服之纔一服知二服減三服膿血皆定自此不拾服其疾遂愈後問其方云治大腸風虛飲酒過度挾熱下痢膿血疼痛多日不差擣根白皮兩入參一兩爲末每用二錢匕空心以溫酒調服如飲酒以溫米飲代忌油膩濕麪青菜菓子甜物雞猪等

胡椒去胃止寒痰吐水食已即吐甚驗過劑則走氣大傷寒滑亦用須各以他藥佐之

橡實櫟木子也葉如栗葉在處有但堅而不堪充材亦木之性也山中以僭人爲糧然澁腸木善爲炭他木皆不及其殼堪染皂者曾經雨水者其色淡不若未經雨

水者櫟亦有殼但少而不及櫟木所實者

無石子今人合他藥染髭

櫟若亦有斗但不及櫟木雖堅而不堪充材葉微炙炒
槐花減櫟葉之半同爲末米飲調服治初得腸風及血
痔熱多者尤佳亦堪爲炭但不及櫟木

黃藥亦治馬心肺熱有功

無患子今釋子取以爲念珠出佛經惟取紫紅色小者
佳今入藥絕少西洛亦有之

椰子開之有汁如乳極甘香自別是一種氣味中又有
一塊瓢形如瓜萐上有細壠起亦白色但微虛紋若婦
人裙褶其味亦如其汁又著殼一重白肉剮取之皆可

與瓢糖煎爲果汁色如白酒其味如瓢然望之潤者好事者當日強名之取其殼爲酒器如酒中以毒則酒沸起今人皆漆其裏則全失用椰子之意

樺木皮燒爲黑灰合他藥治肺風毒及取上紫黑花勻者裹鞍弓韉

赤檉木又謂之三春柳以其一年三秀也肉紅色成細穗河西者戎人取滑枝爲鞭京師亦多

木鼈子蔓生歲一枯葉如蒲桃實如大括地熟則紅黃色微有刺不能刺人今荆南之南皆有之八月十月熟實中之子曰木鼈子但根不死春旋生苗子一頭尖者爲雄凡植時須雌雄相合麻縷纏定及其生也則去

其雄者方結實

木槿如小葵花淡紅色五葉成一花朝開暮斂花與枝
兩用湖南北人家多種植爲籬障餘如經

椶櫚木今人旋爲器皮燒爲黑灰治婦人血露及吐血
仍佐之他藥每歲剝取椶皮不爾東死花如魚子渫熟
淹爲果 柘木裏有紋亦可旋爲器葉飼蠶蠶曰柘蠶葉梗
然不及桑葉東行根及皮煮汁釀酒治風虛耳聾有驗
餘如經

本草衍義卷第十五

本草衍義卷第十六

通直郎添差充收買藥材所辨驗藥材寇

宗奭編撰

髮髮

亂髮附

人乳

人尿

人溺

人指甲

今補

龍骨

牛黃

麝

象牙

醍醐

犀角

羚羊角

殺羊角

牛角鯁

白水牛鼻
牛屎附

犬膽

鹿茸

虎骨

豹肉

狸骨

鼯鼠音鼠

獭

獬

驢肉

麂

敗鼓皮

鷺

鷓鴣

鷹屎白

鶴

兔

鼯鼠音鼠

狐

野猪家猪附

膾腩臍

野駝

丹雄雞

鴈

雉

雀卵

伏翼

